

HŁOWU SEJ ŁAMAĆ (WO NĚČIM)

čo. 2

- a) (wo něčim) rozmyslować a přemyslować
- b) sej hłowu z róžojtymi bančikami wudebić
- c) znjezbožić a so při tym na hłowje zranić

Prawa je wotmołwa a.

Jeli husto a dołho, potajkim intensiwnje wo wěstej wěcy, wo prašenju abo wo problemje rozmyslujemy, sej wo nim hłowu łamamy. Hač jón rozrisamy – to je druhe prašenje.

Takle móžeš to tež prajić

wo něčim přemyslować_{ip}, wo něčim rozmyslować_{ip}
sej něšto přez hłowu hić dać (wo něčim přemyslować)

Příklady z řečného korpusa

Njeměr a hněw pak wón trjebać njemóže, nětkole nic wjace, a čehodla sej tež hłowu łamać něčeho dla, štož jemu ženje hłowubolenje činiło njebě (...) (Jurij Brězan, Stary nan, Budyšin 1982)

Powědku běch tehdy přeni raz do so žrał, jako sej nan runje hłowu łamaše, kak bychmy, zaklate, skoro k lěpšemu bydlenju přišli. (Jurij Krawža, Ikarus pod módrym njebjom: powědančka, Budyšin 1982)